

赤城志卷第十二

軍秩官門五

州縣官助州縣之治非專州縣之治也然諉曰不專而恣自褻逸則以一守令之身而下兼衆曹之事非材閔力鉅誰與共此凜凜哉語云千金之裘非一狐之腋凡物猶爾況於官政今自軍事判官而下總不知幾何人備載則繁不載則略以故攷閱今古述其建置之原而達官名流有假道於此者間出其姓名與行事使知負材抱器雖偶落下位其光氣常熒熒也以勸爲善是編蓋有助焉

州屬官

軍事判官一員國朝沿唐置大觀初改司錄參軍政

置和初以參軍名未正改司錄事建炎初復曹掾

始仍舊唐孫發自華亭尉為州從事發嘗應百

梅真入仕提雄筆阮瑀從軍著綵衣皮日休云

百篇宮體喧金屋一日官衙下玉除皆此言也

王絲會稽人天禧五年以秘書省校書郎至

州城據山少井一舍外有泉絲白州長淘土為

筒導入於城五里一穴以濟行者之渴州人賴

之見范文正公集及光相院記虞肅上饒人

以治行為常路所稱王荆公誌其

墓趙彥齡紹興中至有詩名

軍事推官一員國朝沿唐置大觀改戶曹參軍政和

改司士曹事建炎仍舊孔文仲臨江人熙寧中

至繼舉賢良方正政新

法爲王荆公所黜官至中書舍人何執中栝
蒼人熙寧中至崇寧中拜左僕射贈太師清源
郡王王相永嘉人淳熙初至有政譽決
處州張彭之獄一郡稱明官至秘書少監

錄事參軍一員國朝沿唐置大觀改工曹兼儀曹參

軍政和改司錄以參軍爲掾建炎仍舊本曹印

和四年二月少府監頒下以台州司錄朱記爲
文中更兵火與台州管句鹽事之記互掌慶元
初何少連始請歸之唐沈佺期口口中至其
詩有昔嘗游此郡三霜弄雲島之句事見本傳
陳橐宣和中
至事見郡守門

司理參軍一員國朝沿唐置初爲司寇參軍後改今

稱大觀改左治獄參軍政和改司士曹事建炎

仍舊唐劉銳以開元中攝
司士見真容應見碑

司戶參軍一員國朝沿唐置爲戶曹參軍大觀改右

治獄參軍政和改司戶曹事建炎改司戶參軍

唐鄭虔至德中以謫至今州城東偏猶以戶曹各巷有廟在焉
滕膺南京人宣和初至捍城有功詳見祠廟門
石崇昭會稽人淳熙初至有賢譽官至樞密院檢詳文字

司法參軍一員國朝沿唐置大觀改議刑參軍政和

改司刑曹事建炎仍舊

唐李俛口口口中至見唐世系表

監支鹽倉一員

文臣

政和四年置舊有二今省其一焉

監在城商稅務二員

文武各一

國初置

監比較務二員

武臣

紹興元年置

是年七月兩浙運使徐康國奏溫台明州

近以應辦軍興添置比較務乞別立課額分撥上供從之

監贍軍務二員

文臣

紹興七年置

宗

監酒房廊務一員

武臣

嘉定二年省罷

李守兼奏本州在城有都酒贍

軍此較務又有酒房廊務今贍軍比較併歸都務而贍軍監當文臣又有兩員酒房廊所掌佃賃推受即無行移乞行省罷有旨依

監州兵官

文臣二員闕

路分一員

贍關三十員見任一員餘闕

都監二員國初置內一員添差釐務

監押一員國初置大使臣則曰都監小使臣則曰監

押隊一員

員闕

押隊一員

員闕

遞鋪官一員

正任指使官三員

駐泊一員國初置太尉司隸曰將監承典司隸曰監

將監江州祠祿官內一員添差監錄

台州崇道觀

監嶽廟

右無定員

州添差不釐務官

戚里一員

東南第四副將本州駐劄一員

宗宅

宗室監當三員

宗室嶽廟五員

隨龍一員闕

奉使二員闕

借使監支鹽倉文臣二員闕

三衙揀汰窠闕三十員見任一員餘闕

戰功六員大小使臣各三員皆闕

軍功指使三員見任一員餘闕

軍功聽候使喚三員闕

軍功嶽廟四員

離軍準備差使二員

歸正官八員闕

舊歸正戰功借使二員闕

歸朝蠻獠人二員闕

番官二員闕

忠順官四員闕

養老使臣三員見任一員餘闕

樞密院効士一員餘闕

敢勇揀汰使臣二員

添差聽候使喚三員

散祇候使臣一員

諸縣屬官

臨海縣丞一員

熙寧四年中書劄子諸縣主戶二萬以上難治乞置丞一員於是諸縣始

有丞崇寧中或改主簿充丞大觀四年令兩浙

路相度不係繁難縣丞並罷政和二年復置建

炎元年詔如係嘉祐以前員闕及萬戶縣方許

置丞餘並罷紹興初縣及萬戶並注丞唐駱

賓王義烏人武后時以言事下遷於此後耿耿

不得志棄官去見唐史本傳有久客臨海有懷

詩見天

台集

主簿一員

開寶元年詔諸縣千戶以上依舊置令

人物稀少乞將東南縣小而事簡者簿常關員

而尉兼之其後縣滿萬戶置丞而簿猶關朱異

劄子萬戶以下縣分已不差丞却多有主簿兼

尉者乞應如此去處並特專置主簿一員從之

葉翥栢蒼入紹興中至

尉一員

建隆三年詔每縣置尉一員因以戶口數

招致弓手樞密院乞各添差武人縣尉一員指

使一員招致弓手以五百人為額知縣兼領仍

置將領部將紹興四年罷今尉銜內帶巡捉私

茶鹽礬兼催綱舒宣四明人使酒逐其

從毋者亶命執之不服即斬之投劫去官至御

史中丞有詩見一絳亭王淮東陽人紹興中

至淳熙中拜左

丞相諡文定

監杜瀆鹽場一員

文臣王之望襄陽人紹興初

會稽人紹興中至終尚書兵部郎中有

西溪叢稿注五代史葉侍郎適作集序

催煎一員

武臣

監章安稅場一員今廢

管界巡檢一員

武臣熙寧三年準鈴轄牒備運

刑司奏請相度巡檢地分除合改置減罷外餘

係控扼要害各難裁省有旨依數內台州三員

亭場巡檢一員

武臣熙寧七年準轉運司牒備

司奏宜於石窟頭添置巡檢一員差兵級一百

人有旨依口口口九年兩淞路轉運司東西路

鈴轄司奏備準樞密院劄子巡尉職皆捕盜而

所獲多少不侔蓋以尉所用弓兵皆諳熟土人

巡檢則用雜攢客軍不許差出緝捉所以常劣

於尉欲乞行下應巡檢下兵級依舊額於本處
招置就解宇左右佳營諸處不得抽差尋差著
作佐郎熊皋等相度咸以爲便有旨依內台州
係在温州七處巡檢數內每處置都頭副都頭
各一人十將將虞候承局各一人押官二人長
行九十三人料錢照熙寧三年指揮依教
閱雄節條全支見錢今其寨改名亭場

吳都巡檢一員

武臣 靖康元年 準提刑司 牒備

相度到台州黃巖縣地名盤山繡嶺仙居縣白
塔皆取巡尉相度處遙望欲添置一員招置土
軍八十人有旨依遂於其地立寨紹興十二
年三月改就地名法安院駐劄今名吳都

黃巖縣丞一員

趙子英開封人紹興五年至以厚
德稱秩滿因家焉今子孫甚盛

主簿一員

曾肇南豐人書舍人鞏之弟累遷翰
林學士按東都事略本傳云調黃巖簿

而行述乃云調後居鄭州守聞其賢薦
為州教授以是致之肇未必至黃巖也

尉一員

唐柳芳蒲州人開元間登第為永寧尉入
直史館見唐書

嘉人從伊川先生學建炎初歷尚書右丞資政

毀學士諡忠簡有橫塘集刊於郡齋鄭伯熊

永嘉人交行為學者師建炎二十年至人呼為

石蓮縣尉以其年尚少而堅不可磷也終宗正

少卿直龍圖閣孫應
時會稽人淳熙六年至

監務一員武臣

監于浦監鹽場一員文臣

押袋一員文臣

監路橋鎮一員武臣後省罷

松門巡檢一員武臣揮見管界

天台縣丞一員

主簿一員舊以尉兼後特置見淨慈寺法輪院碑

尉一員

監務一員武臣

僊居縣丞一員

主簿一員

以舊無此官嘉定李守兼奏言簿本縣始

今生齒多簿書叢委尉遇竊發躬親追逐時
交併或致無官可差設若尉受差簿鈔堆歷無
從鉤攷而况西鄉獷悍盜賊公行以一共二實
恐不給乞將酒房廊務省罷卻於本縣添置主
簿一員有旨依差王友元填劄置關按唐宰相
世系表竇崇嘗任樂安主簿樂安古仙居也意
舊有主簿而其後省之耶

尉一員

唐辛少府失其名張籍有送辛少府任樂
安詩有選得天台山住一家全似學仙

人之句徐默成宣和二年至
會呂師囊反破白塔寨死之

監務一員

武臣

白塔巡檢一員

武臣指揮見吳成都鄒進宣和
二年至與尉徐默成同死呂師囊

之難

寧海縣丞一員崇寧三年置後罷大觀二年再置後

復罷政和二年復再置

主簿一員

張君房真廟時至按君房雲笈七籤序云祀汾陰之歲隸職霜臺明年以鞠獄

無狀謫掾寧海後除著作佐郎洪皓鄱陽人政和六年至官至徽猷閣直學士謚忠宣其子丞相適生於此後與伯仲皆中詞科通顯云

尉一員

監縣渚鎮一員

監務一員

武臣舊監茶鹽酒稅後罷茶鹽嘉定八年以放萬戶又罷酒今監商稅而已

監港頭鎮一員

武臣

監長亭鹽場一員

文臣紹聖二年放酒稅務以本場監官兼管大觀三年於港

頭專立酒稅務故於
長亭置買納鹽場

押袋一員

文臣

臨門巡檢一員

武臣指
揮見管界

赤城志卷第十三終

臨海周

翰鈔并校